

# APPEAL



## POSTUPAK PRAVNE ZAŠTITE

Paragraf LEX,  
Jahorina, Aparthotel "VUČKO", 17.04.2026. godine

DRAŽEN VIDAKOVIĆ, ovlaštenu predavač javnih nabavki  
advokat

# Zakon o izmjenama i dopunama ZJN

„Službeni glasnik BiH“, br. 50/24

2

## Početak primjene

Postupci javnih nabavki, započeti prije stupanja na snagu ovog zakona, **u kojima je već izjavljena žalba**, nastaviće se i okončati uz primjenu odredaba Zakona o javnim nabavkama ("Službeni glasnik BiH", br. 39/14 i 59/22).

Postupci javnih nabavki, započeti prije stupanja na snagu ovog zakona, **u kojima nije izjavljena žalba**, nastaviće se i okončati i uz primjenu odredaba čl. 1, 2, 3, 4, 5. i 6. ovog zakona.



### Uplata naknade

Naknada se uplaćuje najkasnije do isteka roka za žalbu/ dokaz se dostavlja ugovornom organu



### Visina naknade za žalbu

Visina naknade za pokretanje žalbenog postupka povišena za 50%



### Rok za žalbu

Rok za žalbu na TD/konkurentski zahtjev se računa od dana objave, a ne preuzimanja



### Nadležnost ugovornog organa

Ugovorni organ provjerava urednost žalbe, uključujući i uplatu naknade za žalbu

# KANCELARIJA ZA RAZMATRANJE ŽALBI BIH

## ČLAN 93. ZAKONA

3



## Šta je KRŽ/URŽ?

### DEFINICIJA



Samostalna, nezavisna institucija sa statusom pravnog lica, sa sjedištem u Sarajevu, koja rješava po žalbama u postupcima javne nabavke.

### FILIJALE



KRŽ ima dvije filijale, sa sjedištima u Banjaluci i Mostaru. Filijale nemaju status pravnih lica.

### NADLEŽNOST



- Sarajevo: za vrijednosti nabavke preko 800.000,00 KM, kao i za sve nabavke institucija Bosne i Hercegovine i institucija Brčko Distrikta BiH.
- Filijale: za vrijednosti nabavke do 800.000,00 KM.

# Aktivna legitimacija

## Ko može izjaviti žalbu

### Član 97. Zakona o javnim nabavkama

- ✓ **INTERES**  
Za dodjelu ugovora o javnoj nabavci
- ✓ **Šteta**  
Učiniti vjerovatnim stvarnu ili moguću štetu
- ✓ **Povreda Zakona**  
Povreda zakona i podzakonskih akata **nezakonitim** postupanjem ugovornog organa



Žalbu može podnijeti svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je bila ili **mu je mogla** da bude u konkretnom postupku javne nabavke prouzrokovana šteta zbog **nezakonitog** postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke.

# STRANKE U POSTUPKU

## ČLAN 94. ZAKONA

- \* O vođenju postupka po žalbi, KRŽ obavještava odabranog ponuđača po službenoj dužnosti, dok se ostala lica sa svojstvom stranke mogu prijaviti za učešće u postupku po žalbi.
- \* Svaka stranka ima pravo da se izjasni o zahtjevima i navodima druge strane i da predloži dokaze. KRŽ svakoj stranci u postupku dostavlja podneske koje zaprimi u predmetu, o kojima se raspravlja o glavnoj stvari ili predlažu nove činjenice i dokazi.
- \* Svaka stranka ovlašćena je da razgleda spis predmeta, osim onog dijela ponude i dokumentacije koji je, u skladu sa zakonom, utvrđen kao tajni ili povjerljivi.
- \* Ugovorni organ dužan je da u postupku po žalbi, na zahtjev KRŽ-a, dostavi dokumentaciju u roku koji odredi KRŽ.



ŽALILAC



UGOVORNI ORGAN




IZABRANI PONUĐAČ



DRUGI PRIVREDNI SUBJEKTI


# ZABRANA ZAKLJUČENJA UGOVORA

## STAND-STILL PERIOD




### 15 DANA

Ugovorni organ ne može potpisati ugovor o javnoj nabavci u roku 15 dana od dana kada su ponuđači obaviješteni o izboru najpovoljnijeg ponuđača




### IZUZETAK

- Jedan ponuđač u:
  - otvorenom, pregovaračkom postupku bez objave obavještenja, postupku dodjele ugovora o nabavci usluga iz Aneksa II Dio B;
  - drugoj fazi ograničenog postupka, pregovaračkog postupka sa objavom obavještenja i takmičarskog dijaloga
- okvirnog sporazuma ili dinamičkog sistema kupovine




### EX ANTE

Izuzetak se ne primjenjuje se u slučaju kada ugovorni organ objavi dobrovoljno ex ante obavještenje o transparentnosti u pregovaračkom postupku bez objave obavještenja i u postupku dodjele ugovora o nabavci usluga iz Aneksa II Dio B.



### LOTOVI

Izjavljena žalba ne sprečava potpisivanje ugovora o javnoj nabavci za lotove na koje nije izjavljena žalba.



### KONKURENTSKI

U slučaju da na odluku o dodjeli ugovora u postupku nabavke male vrijednosti nema žalbe, ugovorni organ dužan je da zaključi ugovor u roku od deset dana od dana obavještanja učesnika postupka o izboru najpovoljnijeg ponuđača.

# IZJAVLJIVANJE ŽALBE

01

## JEZIK

Postupak pravne zaštite vodi se na jednom od jezika u službenoj upotrebi u Bosni i Hercegovini i uz upotrebu latiničnog ili ćiriličnog pisma.

02

## FORMA I NAČIN

U pisanoj formi direktno, elektronskim putem, ili preporučenom poštanskom pošiljkom.

03

## BROJ PRIMJERAKA

U dovoljnom broju primjeraka, a koji ne može biti manji od tri

04

## DATUM URUČENJA

Datum zaprimanja žalbe direktno kod ugovornog organa, odnosno datum zaprimanja žalbe elektronskim putem, ili datum predaje na poštu preporučene poštanske pošiljke

05

## POTVRDA O PRIJEMU

U slučaju direktne predaje žalbe, ugovorni organ je dužan da izda žaliocu potvrdu o vremenu prijema žalbe.

06

## IZJAVLJIVANJE

Žalilac žalbu izjavljuje Kancelariji za razmatranje žalbi putem ugovornog organa

# Rokovi za izjavljivanje žalbe

## Član 101. ZJN

### Redovni

- a) u roku od deset dana od dana objave obavještenja u odnosu na podatke iz obavještenja o nabavci, odnosno **u roku od deset dana od dana objave tenderske dokumentacije** na sadržaj tenderske dokumentacije;
- b) u roku od deset dana od dana objave izmjene i/ili dopune tenderske dokumentacije u odnosu na sadržaj izmjene i/ili dopune tenderske dokumentacije;
- c) u roku od pet dana po prijemu zapisnika o otvaranju ponuda, u odnosu na radnje, postupanja, nečinjenja ili propuštanja u postupku otvaranja ponuda;
- d) u roku od deset dana od prijema odluke o kvalifikovanosti kandidata ili odluke o izboru najpovoljnijeg ponuđača ili odluke o poništenju postupka;
- e) u roku od deset dana od dana kada je ugovorni organ trebao donijeti odluku iz postupka, a propustio je da je donese.

### Okvirni sporazum i DSK

U slučaju dodjele ugovora na osnovu okvirnog sporazuma iz člana 32. stav (5) tačka b) ovog zakona ili u okviru dinamičkog sistema kupovine iz člana 123. ovog zakona, žalba se izjavljuje u roku od deset dana nakon što ugovorni organ obavijesti ponuđače da je ugovor na osnovu okvirnog sporazuma ili dinamičkog sistema kupovine zaključen u odnosu na postupak dodjele ugovora u sklopu okvirnog sporazuma ili dinamičkog sistema kupovine..

### Postupci male vrijednosti

(5) U postupku nabavke koji se provodi putem konkurentskog zahtjeva žalba se izjavljuje u roku od pet dana od:

- a) **objavljivanja** konkurentskog zahtjeva;
- b) prijema zapisnika o otvaranju ponuda;
- c) prijema odluke o izboru najpovoljnijeg ponuđača ili prijema odluke o poništenju postupka nabavke.

(6) U postupku direktnog sporazuma žalba nije dopuštena.

## Izjavljivanje

Žalba se izjavljuje **URŽ-u putem ugovornog organa** u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom.

(3) Pri razmatranju žalbe u skladu sa članom 100. st. (2) i (3) ovog zakona, ugovorni organ po prijemu žalbe putem portala javnih nabavki obavještava ponuđače o vođenju postupka po žalbi.

## Suspenzivno dejstvo

(1) **Blagovremena, dopuštena, od ovlaštenog lica i lica koje ima aktivnu legitimaciju izjavljena žalba** odgađa nastavak postupka javne nabavke, zaključenje i/ili izvršenje ugovora o javnoj nabavci ili okvirnog sporazuma do donošenja odluke URŽ-a .

(2) **Ugovorni organ sve učesnike u postupku javne nabavke o izjavljenoj žalbi obavještava putem portala javnih nabavki.**

Prekršajna odgovornost za UO ako nastavi postupak javne nabavke, zaključi ugovor o javnoj nabavci ili okvirni sporazum u toku suspenzivnog dejstva žalbe suprotno članu 110. ovog zakona.

# NAPOMENE

## FAZNOST

**Žalilac koji je propustio da izjavi žalbu u ranijoj fazi, gubi pravo da traži ispitivanje zakonitosti po istom osnovu, u kasnijoj fazi postupka**

- Stranke u postupku dužne su da iznesu sve činjenice na kojima zasnivaju svoje zahtjeve ili odluke, postupke, radnje ili nečinjenja, te da predlože dokaze kojima se te činjenice utvrđuju.
- U postupku pravne **zaštite ugovorni organ dužan je da dokaže** postojanje činjenica i okolnosti na osnovu kojih je donio odluku o pravima, preduzeo radnje ili propuštanja te sproveo postupke, koji su predmet postupka po žalbi.
- U postupku pravne zaštite **žalilac je dužan da dokaže ili barem učini vjerovatnim** postojanje činjenica i razloga koji se tiču pravnog interesa na podnošenje žalbe, povreda postupka ili povreda primjene materijalnog prava, koje su istaknute u žalbi, za koje zna ili bi trebalo da zna.

# Zahtjev UO za nastavak postupka javne nabavke

## Član 111. stav (1) tačka e) ZJN

KRŽ može odlučiti o zahtjevu ugovornog organa za nastavak postupka javne nabavke u **bilo kojem trenutku** nakon prijema žalbe, a do donošenja odluke URŽ-a, po ispunjenju uslova u smislu da odluka o obustavi **postupka ne prouzrokuje nesrazmjenu štetu na račun javnog interesa**.

Zahtjev ugovornog organa za nastavak postupka mora biti **obrazložen**, a teret dokazivanja na postojanje okolnosti za nastavak postupka je na ugovornom organu.

KRŽ će donijeti odluku po zahtjevu za nastavak postupka javne nabavke u **roku od pet dana** od dana dostavljanja dokumentacije po žalbi od strane ugovornog organa, odnosno podnošenja zahtjeva, ako je zahtjev dostavljen nakon što je ugovorni organ dostavio žalbu s dokumentacijom;

# Naknada za žalbu 1/2

## Član 108. ZJN

PROCJENJENA VRIJEDNOST NABAVKE	IZNOS NAKNADE
do 50.000,00 KM	750,00 KM
od 50.001,00 KM do 80.000,00 KM	1.200,00 KM
od 80.001,00 KM do 250.000,00 KM	3.000,00 KM
od 250.001,00 KM do 400.000,00 KM	5.250,00 KM
od 400.001,00 KM do 800.000,00 KM	7.500,00 KM
od 800.001,00 KM do 9.000.000,00 KM	11.250,00 KM
preko 9.000.000,00 KM	15.000,00 KM
Ako vrijednost nabavke nije poznata	2.000,00 KM

Žalilac uplaćuje odgovarajući iznos naknade iz stava (1) ovog člana na osnovu podatka iz tenderske dokumentacije o procijenjenoj vrijednosti lota na koji se žali, odnosno zbiru procijenjenih vrijednosti lotova na koje se žali, u slučaju kada se žalba ne odnosi na nabavku u cjelini nego na jedan ili više lotova.

Uplaćena naknada je nepovratna u slučaju neosnovane žalbe.

Prije razmatranja žalbe **ugovorni organ** je dužan da utvrdi da li je žalilac uz izjavljenu žalbu dostavio dokaz iz člana 105. stav (1) tačka i) ovog zakona o plaćenju naknadi za pokretanje žalbenog postupka, u iznosu propisanom ovim članom, na osnovu kojeg se može nesumnjivo utvrditi da je transakcija izvršena.

# NAKNADA ZA ŽALBU 2/2

## ČLAN 108. ZJN

Prije razmatranja žalbe **ugovorni organ** je dužan da utvrdi da li je žalilac uz izjavljenu žalbu dostavio dokaz iz člana 105. stav (1) tačka i) ovog zakona o plaćenju naknadi za pokretanje žalbenog postupka, u iznosu propisanom ovim članom, na osnovu kojeg se može nesumnjivo utvrditi da je transakcija izvršena.

U slučaju osnovane ili djelimično osnovane žalbe, a i u slučaju neuredne žalbe, za koju se eventualno naknadno utvrdi da je uplata naknade za pokretanje žalbenog postupka izvršena, ugovorni organ u roku od sedam dana od dana donošenja odluke po žalbi dostavlja KRŽ-u dokumentaciju radi pokretanja postupka povrata naknade za pokretanje žalbenog postupka. KRŽ u roku od sedam dana od dana zaprimanja dokumentacije od ugovornog organa donosi posebno rješenje o povratu naknade za pokretanje žalbenog postupka, koja se mora sprovesti u roku od 30 dana od dana zaprimanja rješenja o povratu naknade za pokretanje žalbenog postupka u skladu sa Instrukcijom o načinu uplate, kontrole i povrata taksi propisanih ovim članom.

Ugovorni organ provjerava da li je naknada uplaćena

Šta se smatra validnim dokazom da je transakcija izvršena?

Postupak povrata sredstava ako ugovorni organ u cjelosti/djelomično usvoji žalbu?

Postupak povrata sredstava ako KRŽ u cjelosti/djelomično usvoji žalbu?

# Instrukcija za plaćanje naknade

**Primalac: JRT Trezor BiH**

**Broj računa:**

JRT Trezor BiH-depozitni račun, broj računa: 3380002210018390 (UniCredit Banka d.d Mostar);

JRT Trezor BiH-depozitni račun, broj računa: 5517902220404858 (UniCredit Banka d.d Banja Luka);

JRT Trezor BiH-depozitni račun, broj računa: 5556000060067744 (Nova banka a.d. Banja Luka);

JRT Trezor BiH-depozitni račun, broj računa: 1341021020000276 (Asa banka Naša i snažna d.d. Sarajevo);

**Svrha doznake:** Uplata naknade za pokretanje žalbenog postupka na \_\_\_\_\_

**Iznos:** \_\_\_\_\_ KM

**Broj poreskog obveznika:** JIB broj

**Vrsta uplate:** 0

**Vrsta prihoda:** 722 586

**Opština:** Šifra opštine uplatioca

**Porezni period:** Datum uplate

**Budžetska organizacija:** 3201999

**Poziv na broj:** 0000000000

# Dokaz o uplati

15

UniCredit Bank

Broj elektronskog naloga: IIB02324082 [REDACTED]

Uplatnik (naziv i adresna pošta): [REDACTED]

Svrha doznake: **UPL. NAK. ZA POK ZALBENOG POS**  
**893-1-1-302-3-632/24**

Primateľ/Primalac: **JRT TREZOR BIH,**

Datum uplate: [REDACTED]

Potpisnik: [REDACTED]

Potvrda banko:  elektronsko bankarstvo  
**PROVEDEN**

Račun pošiljaatelja/pošiljaoca: 3383202200419207

Račun primatelja/primaoca: 3380002210018390

KM **11.250,00**  Hitno

Poziv na broj: [REDACTED]

Broj poreznog obveznika: [REDACTED] Vrsta uplate: 0

Vrsta prihoda: 722586 Porezni period: Od 22/08/2024 Do 22/08/2024

Općina: 079

Proračunska/budžetska organizacija: 0405999

Poziv na broj: 0000000000

UNICREDIT BANK D.D. 22.08.2024

Izvod računa za period: 22.08.2024 - 22.08.2024

N [REDACTED] OPU: SR10  
E [REDACTED] Valuta: BAM  
F [REDACTED]  
TRN [REDACTED]  
JMB [REDACTED] Početno stanje: [REDACTED]


Dat Obr	Dat Val	Opis	Uplate	Isplate
22.08.2024	22.08.2024	Naknada za IZV 577653791		0.60
22.08.2024	22.08.2024	3380002210018390 JRT-TREZOR BIH-DEPOZITNI RAČUN UPL. NAK. ZA POK ZALBENOG POS 893-1-1-302- 3-632/24		11,250.00
<b>Ukupno:</b>			<b>11,250.60</b>	
<b>Krajnje stanje:</b>				

[REDACTED]

UniCredit Bank d.d.  
508

# Dokazi o uplati

## Napomene



### Original

Dokazi o uplati naknade za pokretanje žalbenog postupka se moraju dostaviti u originalu



### Nalog za plaćanje i izvod sa računa

Opečaćeni (od strane banke) nalog za plaćanje sa statusom izvršen i izvod sa računa



### Potvrda banke o izvršenom nalogu

Original potvrda banke o izvršenom nalogu



### Uplatnice (virman)

Uplatnice (virman) nisu dovoljan dokaz da je nalog izvršen

# Presudu Suda BiH

broj S1 3 U 049336 24 U od 13.05.2025. godine

Ukoliko se, iz bilo kojeg razloga, pojavi sumnja da li je transakcija stvarno izvršena, ovakva sumnja i njene posljedice ne mogu pasti samo na teret uplatioca. To nije ni intencija navedene norme, prema shvatanju ovog Suda. Intencija je da se uz žalbu, bez odugovlačenja postupka i bez vraćanja žalbe na uređenje, obezbijedi efikasnost postupka, na način da se uz žalbu dostavi valjan, zakonom pripisan, dokaz o izvršenoj uplati. Ugovorni organ ima i pravo i obavezu da žalbu bez dostavljenog dokaza o uplati odbaci, bez bilo kakve provjere, ali ako je dokaz o uplati dostavljen, mora da izvrši provjeru uplatnih elemenata sa dokaza o uplati, u skladu sa Naredbom o uplatnim računima za administrativne takse i naknade Ministarstva finansija i trezora BiH („Službeni glasnik BiH“, br. 30/23) ili kako tužba i navodi, da provjeru izvrši putem Ureda za razmatranje žalbi, u skladu sa Instrukcijom o načinu uplata, kontrole i povrata naknada, propisanih članom 108. Zakona o javnim nabavkama („Službeni glasnik BiH“, br. 86/14), važećoj u vrijeme pokretanja ovog žalbenog postupka.

**Član 3.**  
**(Dostavljanje dokaza o uplati naknade)**


(1) Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja **dokaz o uplati** i **kopiju bankovnog izvoda računa** sa kojeg je izvršeno plaćanje.

(2) Ako je uplata naknade za pokretanje žalbenog postupka izvršena iz inostarsnstva uplatilac je uz dokaz o uplati dužan dostaviti i SWIFT kao dokaz o uplati.

(3) Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH koje je objavljeno na zvaničnim kanalima komunikacije Agencije.

# POSTUPANJE UGOVORNOG ORGANA PO ŽALBI


## ČLAN 100. ZJN



# POSTUPANJE UGOVORNOG ORGANA

## AKTI

20



# ŽALBA

## SADRŽAJ

### Žalba sadrži:

- a) ime ili naziv žalioca, prebivalište ili sjedište žalioca, ime zastupnika ili punomoćnika žalioca ako ga ima;
- b) naziv ugovornog organa protiv kojeg se podnosi žalba;
- c) broj i datum postupka javne nabavke i podatke o objavljivanju obavještenja o javnoj nabavci, ako je obavještenje objavljeno;
- d) broj i datum odluke o izboru ponude, poništenju postupka ili druge odluke ugovornog organa;
- e) druge podatke o radnji, propuštanju radnje ili postupcima ugovornog organa koji su predmet postupka ili o predmetu nabavke;
- f) opis činjeničnog stanja;
- g) opis povreda ovog zakona i podzakonskih akata i obrazloženje;
- h) predlog dokaza;
- i) dokaz o plaćenju administrativnoj taksi na žalbu, u iznosu propisanom članom 108. ovog zakona;**
- j) potpis žalioca ili potpis ovlašćenog lica odnosno punomoćnika (ako ga žalilac ima) i pečat (ako ga žalilac ima).

## Postupanje sa neurednom žalbom

### POZIV ZA UPOTPUNJAVANJE



Ako dostavljena žalba ne sadrži podatke iz člana 105. stav (1) tač. a), b), c), d) e), h) i j) ovog zakona, **Ugovorni organ/KRŽ** poziva žalioca da upotpuni žalbu i određuje rok koji ne može biti duži od tri dana od dana prijema zahtjeva za dopunu.



### ODBACIVANJE NEUREDNE ŽALBE

Ako žalilac ne postupi po zahtjevu **Ugovorni organ/KRŽ-a** u skladu sa stavom (1) ovog člana, žalba će biti odbačena kao neuredna, osim ako bi se iz njenog sadržaja moglo postupati i ako žalba ima postavljen žalbeni zahtjev i dokaz o plaćenju administrativnoj taksi na žalbu.

Dokaz iz stava (1) tačka i) ovog člana o plaćenju naknadi za pokretanje žalbenog postupka, u iznosu propisanom članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.- **nema upotpunjavanja žalbe**

KRŽ u postupku pravne zaštite postupa u granicama zahtjeva iz žalbe, a po službenoj dužnosti u odnosu na apsolutno bitne povrede zakona

KRŽ nije dužan da kontroliše činjenično i pravno stanje koje je bilo predmet prethodne žalbe u istom postupku javne nabavke.

Na postupak pred KRŽ-om koji nije uređen odredbama ovog zakona, primijenice se odredbe Zakona o upravnom postupku.

## APSOLUTNO BITNE POVREDE ZAKONA

- 1) **neusklađenost tenderske dokumentacije** s ovim zakonom ili podzakonskim aktima, koja je uslijed nedorečenosti, protivrječnosti ili nejasnosti dovela do nemogućnosti utvrđivanja osnovanosti žalbenih navoda ili koja je uslijed bitnih propusta dovela do narušavanja osnovnih principa ovog zakona, odnosno nezakonite dodjele ugovora;
- 2) **povrede postupka prilikom otvaranja ponuda**, zahtjeva za učešće;
- 3) **rok za dostavljanje ponuda ili zahtjeva za učešće nije produžen**, a postojala je obaveza u skladu odredbama ovoga zakona;
- 4) nakon isteka roka za dostavljanje ponuda u postupcima u kojima nije dozvoljeno pregovaranje ugovorni organ je **vodio pregovore** ili je ponuđač **izmijenio svoju ponudu** suprotno odredbama ovoga zakona.

# ODLUKE KRŽ-A PO ŽALBI

01

## OBUSTAVLJANJE POSTUPKA

Zbog odustanka od žalbe

03


## ODBIJANJE ŽALBE

Zbog neosnovanosti

05

## ODLUČIVANJE O NASTAVKU POSTUPKA

Po zahtjevu ugovornog organa



## ODBACIVANJE ŽALBE

zbog nenadležnosti, nedopuštenosti, neurednosti, neblagovremenosti i zbog toga što je izjavljena od lica koje nema aktivnu legitimaciju

02

## PONIŠTAVANJE

odluke, postupka ili radnje u dijelu u kojem je povrijeđen zakon ili podzakonski akti

04

## PONIŠTAVANJE UGOVORA

ugovora o javnoj nabavci ili okvirnog sporazuma u okolnostima iz stava (2) ovog člana.

06

# POSTUPANJE KRŽ-A

## VAŽNE NAPOMENE

**KRŽ o glavnoj stvari odlučuje rješenjem, a u ostalim slučajevima zaključkom.**

**Rješenje ili zaključak KRŽ-a iz ovog člana je konačno i izvršno.**

**KRŽ je dužan da donese zaključak ili rješenje po žalbi u roku od 15 dana od dana kompletiranja žalbe od ugovornog organa, ali ne kasnije od 30 dana nakon prijema žalbe od ugovornog organa**

**U izuzetno složenim slučajevima predsjedavajući KRŽ-a zaključkom može produžiti rok iz stava (3) ovog člana, ali ne duže od 30 dana.**

# PONIŠTENJE UGOVORA/ OKVIRNOG SPORAZUMA

Ugovor o javnoj nabavci ili okvirni sporazum neće biti predmet poništenja, ako je:

1. ugovorni organ imao opravdane razloge da smatra da postupa u skladu s ovim zakonom,
2. ugovorni organ objavio dobrovoljno ex ante obavještenje o transparentnosti i
3. ugovor ili okvirni sporazum nije zaključen prije isteka perioda od 15 dana po objavi tog obavještenja.
4. KRŽ utvrdi da prevladavajući razlozi u vezi s opštim interesom zahtijevaju da ugovor treba da ostane na snazi.

U opravdanim slučajevima (opšti interes), KRŽ može ostaviti na snazi ugovor ili okvirni sporazum koji je predmet poništenja, u obimu u kojem je ugovor ili okvirni sporazum već izvršen. U tom slučaju KRŽ će ugovornom organu odrediti novčanu kaznu u iznosu do 5% vrijednosti ugovora.

Poništenje ugovora ili okvirnog sporazuma ima učinak od momenta zaključenja ugovora.



1

primijenjen pregovarački postupak bez objave obavještenja ili postupak dodjele ugovora o nabavci usluga iz Aneksa II Dio B u suprotnosti sa odredbama ovog zakona



2

UO propustio objaviti obavještenje o nabavci na portalu javnih nabavki ako se to zahtijeva ovim zakonom;



3

zaključen ugovor ili okvirni sporazum u suprotnosti sa članom 98. ovog zakona ako to sprečava KRŽ da razmotri žalbu prije zaključenja ugovora ili okvirnog sporazuma



4

UO zaključio ugovor ili okvirni sporazum bez primjene postupka javne nabavke, osim u slučajevima kada to ovaj zakon dopušta.

# NAKNADA TROŠKOVA I ŠTETE

## KO IMA PRAVO?

Privredni subjekt ima pravo da od ugovornog organa zahtijeva naknadu troškova za pripremu ponude i troškova učešća u postupku javne nabavke.

Ne postoji pravo ako ne bi imao realne izgleda za izbor njegove ponude, ili čija je žalba odbijena.

## KO ODLUČUJE?

Za rješavanje zahtjeva za naknadu troškova u postupku javne nabavke nadležan je KRŽ.

## NAKNADA ŠTETE

Svaki od učesnika postupka javne nabavke koji je pretrpio štetu zbog povrede ovog zakona ima mogućnost da pokrene postupak za ostvarivanje prava na naknadu štete zbog izmakle dobiti pred nadležnim sudom, prema opštim propisima o naknadi štete.

# Troškovi žalbenog postupka

## Član 119. ZJN

(3) U postupku pravne zaštite svaka stranka snosi troškove prouzrokovane postupkom, kao što su troškovi dolaženja, gubljenja vremena (neizvršavanja redovnih radnih obaveza) od redovnih poslova, za pravno zastupanje i stručno pomaganje. **Troškovi za pravno zastupanje nadoknađuju se samo u slučajevima kad je takvo zastupanje bilo nužno i opravdano sa jasno preciziranim razlozima nužnosti.**

(4) KRŽ odlučuje o troškovima žalbenog postupka, određuje ko snosi troškove žalbenog postupka i njihov iznos te kome se i u kojem roku moraju platiti.

(5) Stranka na čiju je štetu žalbeni postupak okončan dužna je protivnoj stranci nadoknaditi jasno precizirane opravdane troškove koji su joj nastali učešćem u žalbenom postupku.

(6) U slučaju odustajanja od žalbe, odbijanja ili odbacivanja žalbe, žalilac nema pravo na naknadu troškova žalbenog postupka.

(7) U slučaju djelomičnog usvajanja žalbe, URŽ može odlučiti da svaka stranka snosi svoje troškove, da se troškovi žalbenog postupka podijele na jednake dijelove ili da se podijele razmjerno usvajanju žalbe.

# Troškovi žalbenog postupka

## Član 119. ZJN

(8) U slučaju usvajanja žalbe, URŽ svojom odlukom nalaže ugovornom organu plaćanje troškova žalbenog postupka žalioocu u roku od osam dana od dana prijema rješenja URŽ-a.

(9) Žalba može sadržavati zahtjev za naknadu troškova žalbenog postupka koji mora biti određen i dostavljen URŽ-u prije donošenja odluke.

(10) Na žalbene postupke za naknadu troškova pravnog zastupanja visina naknade određuje se prema visini naknade na koju advokati imaju pravo u upravnim postupcima u neprocjenjivim predmetima..



**SUD  
BOSNE I HERCEGOVINE**

**СУД  
БОСНЕ И ХЕРЦЕГОВИНЕ**

**COURT OF  
BOSNIA AND HERZEGOVINA**



**TUŽILAŠTVO-TUŽITELJSTVO  
BOSNE I HERCEGOVINE**

**ТУЖИЛАШТВО  
БОСНЕ И ХЕРЦЕГОВИНЕ**

**PROSECUTOR'S OFFICE OF  
BOSNIA AND HERZEGOVINA**

**UPRAVNI SPOR**

# PRAVNA ZAŠTITA PROTIV ODLUKA KRŽ-A

## UPRAVNI SPOR

Ugovorni organ i učesnici u postupku mogu protiv odluke KRŽ-a pokrenuti upravni spor pred Sudom Bosne i Hercegovine (u daljem tekstu: Sud BiH) u roku od 30 dana od dana prijema odluke.

Upravni spor po tužbi koju podnesu stranke u postupku javne nabavke vodi se po hitnom postupku.

Odluka po tužbi u upravnom sporu se donosi u roku od 60 dana od dana prijema tužbe.

Ugovorni organ ili učesnik u postupku može podnijeti i zahtjev za odgađanje konačnog rješenja ili zaključka KRŽ-a, zajedno sa tužbom kojom se pokreće upravni spor.

Cijeneći javni interes i štetu koju bi odgađanje konačne odluke KRŽ-a moglo izazvati, o zahtjevu za odgađanje rješava Sud BiH posebnim rješenjem, kojim odgađa izvršenje konačne odluke KRŽ-a na određeno vrijeme ili do donošenja odluke suda po tužbi u upravnom sporu.

RELAX  
REFRESH  
RECHARGE



**DRAŽEN VIDAKOVIĆ**

ADVOKAT

Ovlašteni predavač javnih nabavki